



Մ Ա Յ Ր Ա Թ Ո Ւ Ղ Ի Մ

Հուլիսի 29-ին, կիրակի.—Վարդավառ:
Պայծառակերպություն Տեառն մերոյ Յիսուսի Քրիստոսի:

Օրվա մեծ տոնի առիթով Մայր տաճարում ա. պատարագ է մատուցում վրահայոց թեմի առաջնորդական փոխանորդ տ. Գևորգ Ծ. վրդ. Սերայդարյանը և «Հայր մեր»-ից առաջ քարոզում «Արասցուք երիս տաղաարս՝ մի քեզ եւ մի Մովսիսի եւ մի Եղիայի» (Մատթ. ԺԷ 4) բնաբանով:

Հուլիսի 30-ին, երկուշաբթի.—Բ օր Վարդավառի:

Մայր տաճարում ա. պատարագ է մատուցում տ. Խորեն վրդ. Էլշունյանը:

Հավարտ ա. պատարագի կատարվում է հոգեհանգստյան պաշտոն «վասն համօրէն անջեցելոց»:

Օգոստոսի 3-ին, ուրբաթ.—Այսօր Մայր Աթոռի միաբանությունը ուխտի է մեկնում դեպի Դիլիջան՝ Հաղարծնի վանքը:

Օգոստոսի 5-ին, կիրակի.—Բ կիրակի զկնի Վարդավառի:

Մայր տաճարում ա. պատարագ է մատուցում տ. Հակոբ քհն. Հակոբյանը:

Օգոստոսի 12-ին, կիրակի.—Վերափոխումն Ս. Աստուածածնի:

Այսօր Մայր տաճարում ա. պատարագ է մատուցում տ. Արիս Ծ. վրդ. Ծիրվանյանը: Հավարտ ա. պատարագի տևողի է ունե-

ցում խաղողօրհնության կարգը և ընթերցվում ա. Ներսես Ենոքեան «Այօթ խաղողօրհնության»-ը:

Օգոստոսի 13-ին, երկուշաբթի.—Բ օր Վերափոխման:

Մայր տաճարում ա. պատարագ է մատուցում տ. Նշան քհն. Բելլերյանը:

Հավարտ ա. պատարագի կատարվում է հոգեհանգստյան պաշտոն «վասն համօրէն անջեցելոց»:

Օգոստոսի 19-ին, կիրակի.—Բ կիրակի զկնի Վերափոխման:

Մայր տաճարում ա. պատարագ է մատուցում տ. Հովհաննես ալագ քհն. Մարությանը:

Օգոստոսի 21-ին, երեքշաբթի.—Այսօր Մայր Աթոռ վերադարձավ Ամենայն Հայոց Վեհափառ Հայրապետը Կիսլովոդսկի «Կրանի կամեն» առողջավայրից, ուր հանգրտանում էր տ. Կոմիտաս արք. Տեր-Ստեփանյանի հետ:

Երևանի օդանավակայանում Վեհափառ Հայրապետին դիմավորում և բարի գալուստ են մաղթում Մայր Աթոռի միաբանները, գլխավորությամբ տ. Հուսիկ եպս. Սանթրոյանի:

Օդանավակայանում Հայոց Հայրապետին դիմավորում է նաև ՀՍՍՀ Միևիստրների սովետին առընթեր հայ եկեղեցու գործերի խորհրդի նախագահ ընկ. Ս. Գասպարյանը: